

秋澗先生大全文集

七

化國書館

Wahwa Library

開化圖書館

Wakana Library

開化圖書館

Kaikhua library

開化圖書館

Kaichua library

秋澗先生大全文集卷第二十三

七言律詩

贈西雲上人 系海雲高弟

前日賓筵偶遂披覩一言當機口有不能  
言者如雲之在天水之在甞不復喻其快  
也謹裁鄙詩奉為上人一喙某和南

吏用公才不易逢茶烟都颺落花風登壇懸斷群機  
息百壁傳心萬法通慧眼正來珠媚浦浮雲飛盡月  
當空虎溪公案元瀟灑會約松軒一笑同

謝岳昭文惠新曆

夢破敲門蝶翅翻一編星曆衍堯天人憐短景催窮  
臘斗轉嚴城永日躔天外春回龍集闈林梢香動紫

生烟迢迢細付宮壺漏正是昭文進德年

跋祈真人畫像

何處人間有洞天青藜曾探寶珠玄柱頭留語疑遼  
鶴物外孤吟覓閬仙木食草衣元澹泊竹風松月自  
清圓壽宮舊有燒丹竈空憶靈砂漬夜泉

送安叅政南還汴梁并序

叅政安公與僕定交於中統初元契濶者  
廿寒暑大德戊戌春邂逅於京師樽酒談  
話追憶疇昔念故舊之彫零感歲月之易  
邁情不能已者謹以唐律為贈既光回旆  
且寓愚意之所託云

黑頭蚤插侍中貂當日雲霄一羽毛忠翊殿庭稱謹

密量吞湖海見雄豪風雲臺統調元鼎玳奉光含切  
玉刀此去斯文應有記豐碑還擬泰山高

題南塘居士宋公畫像卷後

南塘結夏水芝香對展蘇黃拜燕堂文獻在公推故  
舊琴樽娛客儘徜徉傷心此日空圖像照眼庭階失  
鴈行白首那堪題往事未容枯筆涕先滂

跋東門祖道圖二首

東門祖帳盛官儀淠淠鸞旗動漢駢燕几道尊邊有  
踐碧空雲靜日重暉飄瀟物表桑榆境洒落人間寵  
辱機東海西邊兩丘土至今圖畫見宮闈

二踈心迹本鴻冥解絃東還弊屣輕劔履中朝何百  
位風雲高駕渺雙旌問金奚有田廬計歸夢都忘寵

辱驚詔獄悖然賢傳死虛勞明主問蕭生

奉和寅甫學士九日迎

盞北口高韻

青山紅樹映晴霓玉削方臺積粟西不憚坡陀屢登陟  
喜陪朝謁共扶携霜風偃薄千林靜雲海蒼茫萬象低  
心自屏營瞻恋切佩声長在筍班齊

翠華南下拂雲霓駐驛軍都漢縣西龍虎臺高驚峻絕  
蓬瀛人老許扶携鷺鷥班班迨九天日月瞻光近萬

國風烟入望低佳節迎

盞得清賞牛山初不羨東齊

過趙甌瓜林墓

靄靄停雲自所思樂天池上獨來時甌瓜散落和雲



猿悲

扶踈

醉移樽酒草堂前日夢

山叢桂

因憶桓伊事却撫箏為解頰

長至日即事

睡起闌來催賀節牙牙紅點鴈成行  
灰飛琯透千門暖繡刺功添一線  
長極壽百年驚過半從心七秩有  
三霜發身不羨錢神潤要把青箱付  
宦郎

挽平章御史中丞克齋公

多冠高聳絳為鞞霜色橫空一鶚秋  
癘鬼遽來露泰山歛裂駭黃流氣從  
温造行間見魂逐龍  
下游反袂兩行知已淚黃雲衰草夢  
西州

州者蓋閣取羊  
曇西州門事也

哭挽母弟略監使

分携洹水儘離愁誰料儀真是徹頭留別有詩驚咄  
咄逝波無夢便悠悠遠遊不負江山興鞭管  
疇老子慮來非一事后溪溪上暮山

雪後即事

一雪都城二尺強桂珠生事日尋常群鳥慘慘飛不  
下萬木林林凍欲僵頭戴鶡冠耳潦倒氣足  
泥截為得放歸田去亦是明時盛事

即事

湘雲

月二首

是日先府君明忌日

珍果犀錢粲洗盆瑣窻香霧濕湘雲春風暖透青綾  
被初度祥開具葉文樺竹翠含筠籜嫩倚蘭紅茁露  
芽芬細裁百疊清江錦留待盤囊備悅紛  
彩檻移春照綺窻酒船浮臘進中堂負暄比戲茆檐  
日燕寢先分鈿机香缸爐翠凝鏘鳳螭蘭膏春滿洗  
兒湯頤應吾父情鍾愛一笑燈前撫坐床

送杜熙正省掾考滿授四川省都事

扣門有客稱熙正攷滿兩歸得蜀除照眼鄉鄰素曲  
好趨程閣道劔門噀烟霄顧接新挑李黑業紛翻旧  
簿書鄭重故人高左轄雪山清興近何如

聞長春宮溪水復至

臨漪門外碧波瀟又見分流入道宮閭苑煙霞增景  
氣寶玄松桂動春風忘機靜翫沙鷗雪潤物中涵上  
善功道脉川流元一致滔滔東注浩無窮

謝徐容齋贈梅

燕釵宮額蠟粧勻夢繞羅浮雪裏村持贈一枝遮老  
眼淡依疎影度黃昏風流燈下佳人面瀟洒吟邊竹  
葉搏我老忘情被花惱曲牀深鎖惜芳温

容齋清節揚州遜贈我官梅興寄深宮額黃嬌渾綴  
蠟綺牕香淡不盈襟春融壺浸催先發雪壓溪橋憶  
練尋節舍玉堂初不問似將渠表歲寒心

吊鄭徵君談心

江南饒州人將年四十以  
氣疾死大都官舍善五星

有易學注鄭氏

春風雙節入閭門  
吳市東鄧遇異人  
太易有靈蟠化  
筆天星飛跳見  
凝神燈幽窸窣  
驚媧畫槎泛銀  
潢掛  
浙津反袂兩行  
尼父淚定中臺  
下泣吾麟

范徽卿風雪和林園

天策桓桓控上游  
邊庭都付晉藩籌  
河山表帶連中  
夏風雪洪濛戍  
北樓笑着竒謀  
收藥籠未妨民  
賦課  
甌婁丈夫志在  
飛而食不讓班  
超定遠侯

題劉處士墓碑後

劉君襟韻晉人清  
耆舊風流有典刑  
三代鼎彝資噩  
噩一家鴻鵠自  
冥冥胷中素貯  
文康訓雲際曾  
瞻處  
士星花落草堂  
人去後隣翁時  
過看埋銘

大德二年冬十一月同昭文大學若思登

太史新臺周覽儀象久之而下侍行者妖

子公特

徙倚靈臺万象新仰窺圓蓋偃鰲臙龍衝都柱驚坤  
軸望入星纏候北辰日挾陽烏符盞晷春浮元氣上  
儀輪思侔玄化稱平于太史于今恐後身

贈下蘭奚侍御

奕世威名大樹瀟孫支騰秀見英標肅清吏黠懷三  
畏摩拊民瘼入六條烏府共推清廟器黑頭行棹侍  
貂仕優政有詩書樂洗耳齊竽聽舜韶

廣平毛巨源壽 萱堂

百頃無尊五福榮華堂高揭綠萱名鳳花雅負忘憂  
酒香翻壽觥蘭玉照庭連秀色珮環合節有

東風細颺簾旌繡會見鸞書下玉京

張子惠母夫人手卷

夫人內治日嚴貞省定歸時有訓懲孝感庭闈深色  
養德融民社見春凝凱風吹棘心何切宿草含輝樂  
不勝七子有材俱茂異慶門從此福川增

王太君授誥正月十四日拜慶家庭

隆福宮深淑景長今年壽席倍恩光鸞迴紫誥擎  
來重花霞潘輿暖更香象服委佗儀範逮  
兩宮朝賀佩環鏘細傾洗玉池邊酒常領春風拜  
北堂

送趙提舉仲遠之順昌縣尹

望入江城鴈影翩春風吹上洞庭船幾年戰藝東湖

上一日觀光北斗邊勝賞莫誇王勃序吟鞍歸鳥繞  
朝鞭詩雖六義功非易未厭蟲魚學鄭箋

送李司馬任順德總尹

司馬桓桓漢徽侯十年藩府佐邊籌氣凌朔漠三秋  
雪人在元龍百尺樓已濟時艱完大節又宣風化入  
南州知君致澤平生事行聽民謠擁八驄

順德道中

魏勃何人擁使輶鵲山東下半林皐清霜原野鵬盤  
健明月關河鴈影高遊宦有心空載質宰平無菜漫  
操刀黃金臺上燕昭相甘為摠衣授六韜

贈中山賈仲器

刻書工賈仲器中山求平人諱德玉為



人誠信多巧思平生好讀許慎說文識  
解字意故刊書際多所助益衆工讓能  
推為方今第一手近趙人木甲氏亦稱  
善碑刻者膠書紙於石立鑄全文略不  
失真未審與仲器所刻氣韻為如何也  
賈今年近七旬技精不少髮白髮蒼顏  
兩目鵠視侶耻與九禽為羣耳來求詩  
書此為贈

翠琰梁停有異觀賈生琨削近烏欄須知成已填書  
藝信是春坊刻玉官千字誄精山鬼泣一鐙思苦夜  
甚寒惜君不致山陰襖八法從渠入木看

巳亥歲京師除夜

住京誰計盡叔錢戀  
關心丹力不前干祿自慚三  
釜粟借車津遣五窮  
舡故鄉此夜偏多感  
衰鬢明朝又一年  
乞得殘骸便歸去  
草堂猿鶴已淒然

庚子元日賀荀嘉甫授徽政院長史

忠孝堂堂漢宇孫更忙  
相見每留髡掃愁不為青藤  
酒展賀來敲白版門中議  
素高徽政府清吟時接謝  
公墩老夫幸有西池遇  
東閣垂思合細論

詩里平章公

漢家六合恢文治  
雨露恩深到海涵  
機務揀時傳世業  
衣冠故里仰華簪  
闔門飢凍心雖切  
七秩歸休分亦堪  
一語倘蒙天  
賜去故山春滿讀書龕

謹按遺山筆錄載梁氏家世甚詳中有云

斗南先  
明昌二年進士為人讀書精  
熟喜作  
日幹局吏能剖繁治劇不肯下  
一世人人  
長於機務可謂有廼祖之風  
矣故有傳世業之句

雲卿郎中方以嗣續致慮側聞弄璋喜作  
詩為賀

平生陰德爛于門况復昌黎一氣氲詩夢占祥元有  
兆大賢之後豈無人蘭芽秀茁根初異海藻生遲實  
自珍我老喜為湯餅客一樽光動竹亭春

夢昇天詩

庚子春正月壬午日夜夢天風吹來星漢  
未曙梯雲上征極天宇而止予倚雲下視

倒景四垂滉漾滅沒有不可望焉者既而  
覺清寒逼人神思飄揚毛髮為森豎也遂  
躡空而下入道宮與張仙翁遇良久出翠  
帟紫端相遺而悟聞夜漏下廿刻矣予平  
日異夢甚多皆莫之比因作詩以記其祥  
沉沉玉漏三更後鵬背扶搖九萬搏彤管夢傳江令  
筆紫袍歸抱上巖端蒼溟赤日瞻天近碧落銀河照  
眼寬欲躡帝關誰汝畫九霄風露不勝寒

繼張參政守歲詩韻兼寓鄙懷道号秀江

官冷何心日九遷雀羅庭戶任蕭然闔簪省闥何三  
益珥筆螭頭整八年臘味漫斟燕市酒春風誰送米  
家船西山日薄歸應晚自断行箴不問天

庚子正月十一日夜夢

中丞崔公碩揖間已知身故談笑眇眇殆  
若平生殊朗然也

宿霧紅蒸海日曛分明來與一樽同煙開紫檜門  
外思選金根豹尾中鉄柱高標臺闌在遊魂淒斷夜  
堂空一宵鬼伯相催去天上人間獨有公

介郡君王大夫人壽

室香鴛誥爵宮羅春動麻姑送酒歌森玉堦庭花映  
坐試燈門巷月舒波華遊燕喜乘軒貴白髮光陰得  
壽多五福人間誰似得金盤傾露醉紅螺

送曠秀才奎東還廬陵序

奎家世吉州安成人幼讀父書弱冠游李

四方歲丁酉由長沙泛荆湘泝巴蜀寓錦  
城邂逅高相一見傾蓋留連二歲戊戌春  
學士菊巖降香至蜀會於錦宮辱相知夜  
雨連牀春風嘯詠臨別且贈以言而有  
天都之約會有司以茂異舉達之風憲適  
高相移鎮江浙附驥東來分携於驪山之  
下臘月抵京師諸公協薦於春官但奎以  
親老家貧倚門有望而動高堂式微之嘆  
遂丐之當途欲安分義俾行省於學官委  
任焉因廢嚴韻為餞且寄聲左相高公云  
廬陵俊造以奎名投刺來登北海瀛白璧定交高祖  
義錦宮持論蜀江清幾年書劍悲游宦一曲滄浪聽

濯纓聞說歐詹歸有得停雲回首夢柴荆

大德四年五月中旬余從太史郭若思求  
畫周文公肖像者數日竟以事奪因作此  
詩以見鄙意幸賜采覽

十年寤寐周公像幾嚮軒墀拜冕絃宗祖配天終地  
面洗兵而雨見東征道存履馬歌狼跋天動威靈表  
聖誠久矣吾衰嗟不復仰儀臺下候神初

賀威衛王公壽

威尉厖眉七秩春不車不杖曳朝紳氣嚴樞筦王猷  
壯光動蛟龍羽扇新衛武賦詩伸傲抑廉頗一飯見  
精神因公重惜麒麟筆待與金城老寫真

無盡藏

山海沉雄斗極邊  
洄江東匯玉為洲  
停雲晴佇思親  
望繡帟香翻上  
象舡山色水光無  
盡極竹風松月共  
清妍千年山立梁  
中憲長與坡仙共  
一天

壽梁太夫人

雲開貞館桂華新  
婺彩穿簾瑞靄氤  
羽翼兩朝梁左  
相起居八座太夫人  
香翻錦字鸞回  
誥花滿金盤脯  
擗麟聞說麻姑來  
獻壽一杯春露從  
平津

贈相士李達

蒼狗雲衣耐事何  
都城風物閱人多  
神光爛爛開崑崙  
電法語琅琅振玉珂  
每詫竒顛觀慶曆  
閑評均幹過  
銅駝春融不逐秋  
陽老一笑西風付  
踏歌



題無名亭詩并序

韓右司雲卿築亭於所居後園不侈不陋  
面勢軒楹爽朗靖深窈而有容公餘盤礴  
披玩法書名畫其間心適體胖冲然有得  
所收家數內陳無名最爲之冠其文甚  
蔚如春雲出谷態度不一信可怡悅而友  
也用扁爲亭名且見夫主人平昔篤志立  
行務造實理不事表襮之意喜爲賦詩以  
歌詠之其詞曰

朝回守口澹於餅觸事物無寵辱驚道自上經元有  
說頽瞻新扁本無營書傳遺帖三倉古坡構高堂以  
雪成快意只須揮麈議出門一笑大江橫

題萬知府瑞麥圖二岐至五岐者

汝南今歲麥連雲一氣祥蒸德化循春露潤含千壠  
秀薰風披拂五岐新嘉禾共穎宜同頌神草聯莖恐  
謾珍旌異穎川元有例會聽增秩佐經綸

送李景山宣慰夜即仍用別詩韻

雪山瀘水兩迢堯天暢恩威壯本朝萬卷堂中人寂  
寂雙旌門外馬瀟瀟雄文喻蜀知無敵虎帳垂弔不  
待招許國壯心如此健夜即風教儘敷條

感舊書懷

宮漏穿花隔掖垣彤庭雲靜鎖秋煙中堂載筆三千  
牘玉署觀光四十年麟獲削成周柱史座寒誰憶廣  
文壇應憐春草東郊思老馬何心覩二天

簾筆

貯雲含霧來江湔紗罩金盤舞鳳織裁剪細筒裝紫  
穎卷舒彤管束紅簾鼠鬚挫銳藏燕弗內史傳經寄  
道龕自是陸卿多巧思猩毛貂尾兩無慙陸秀卿工  
作深離仙焜玉堂龜鶴手

送不蘭奚行臺中丞

漢家二十六將軍忠孝如君萃一門痛惜鯨波吹屬  
甲盡將臺憲付諸孫維持根抵餘忠厚包總時情貴  
直溫攬轡澄清吾志在風沙先霽石城昏

寄何參政

郎山山下讀書堂萬卷芸香綴夜光  
贊善昔推東道主賢叅高臥北牕涼  
林鳥返哺健為守易水悲風劔

客鄉擊筑會傾高麥酒滿壇秋草酌昭王

贈雕鏤石抹世亨

石郎來自汝之墳性解雕鏤到奪真一握鋸刀修月  
巧滿龕龍像雨花紛趨庭過我求名諱刻木先君表  
世臣家廟薦嶺吾祭在露堂冠佩待三薰

贈道者李雲叟

道人姓李氏諱道謙出東齊世家年十六  
歛有悟棄家入道禮冊陽馬公高弟劉爲  
師既冠長游諸方洞天參求玄契又嘗園  
居於陝多積靜功時人以有道許之今主  
東雍之神霄宮曰雲叟者蓋其別號云昔  
王逸少與謝安石嘗東遊海嶠飄然有雲

霞高舉之志今亦以是稱豈其遺意耶秋

澗翁叙

生龜脫筒豈易事假手柱史驅群魔平生繕性却真  
訣萬慮剗中付踏歌遼鶴歸飛三島近道心安甌一  
瓢多超然獨立雲霞表浩浩流允看擲梭

題葛氏臨漳五福堂

擲字經歷潤玉弟

澹澹河流紫陌長青林東下望臨漳蒼煙拱木三臺  
里書葉翻香五福堂通德絳帷多故老謝家庭樹見  
諸郎兩公出處存深意嘗記吾親話故鄉

龜詩閔學士

數尾已知三百歲息胎更活幾千年誤投且網寧無  
夢曾獻箕疇信有靈好共鶴嬉當碧逕莫追龜負向

滄溟松間竹下婆娑地長伴霜鬚老壽星

送僧印東還鍾離詩并序

予寓居安貞里東行百舉武有精舍曰文殊僕方謝事需命間一往焉與澗印號無晤言以適吾懷因知師系出濠之郭氏其先東平人祖班嘗為弋陽部將死王事給葬於光父珎亦為州之機宜官師幼讀儒書長習陰陽風角等術既而悟塵世虛幻遁入招信嘉山尋師學浮圖法清脩苦行致價重一時為兩淮朱制閫所尊敬特起華嚴禪院為棲息之所仍誦其品目追報母恩江淮平飛錫五臺禮父殊光相遂抵

京師叅叩叢林富觀大乘氣象其安心枯  
寂脫疑榮利飄飄然如孤雲野鶴任其去  
來若不為形迹所累者泝其東歸賦詩以

贈其辭曰

鍾離老衲印無文燕薊長遊寄此身一片野雲橫碧  
落半牕寒日弄游塵經龕入定依殘供

帝里相逢有故人我亦天涯倦遊客幾回歸卜問通  
津

保定曾揔管清隱亭詩卷

平生不識將軍面開卷題詩得姓名清隱已安三徑  
樂賓筵時雜五侯鯖春郊羽獵來緹騎煙渚沙鷗有  
憶明皇聞說懿公多賜物過門求閱儘名鄉

餘慶堂銅臺趙御史

鴈塔題名奕葉香  
教開婉婉亦知方  
湏知培植根基  
厚遂見滋榮世葉昌  
沙麓昔聞王氏積  
桂華今接竇  
家芳豸冠高映斑  
衣爛歲歲春風拜北堂

慶耶律秘監九秩之壽  
大德辛五九月初

郛離山色照中華  
孝繼忠傳自一家  
閱世充陰緣服  
食過庭詩禮儘  
柔嘉啓期榮樂神  
多與衛武箴規慶  
未涯見說壽筵香  
霧暖誥恩行墮五雲花

贈雪堂

雲間徙倚妙高臺  
蠡吹喧喧海會來  
佛界雨花香有  
信石塘流水靜無埃  
過溪破界東林約  
乞米藏書李  
勉哀想得大千香  
積供維摩方丈白皚皚



題順德天寧方丈

水晶心孔碧雲思  
方外高閑有阿師  
滿院綠陰人別後  
一欄紅藥客來時  
簾扉照映鑪煙直  
僧榻留連茗椀遲  
何處虛舟未得冷  
翻吟掉衆波隨

送荆書記幹臣北還詩并序

幹臣參議覆事南來與余遇於襄國連日  
道舊契闊之懷豁如也君素能詩及得日  
本諸作清雄竒麗拂拂然挾海上風濤之  
氣令人豈勝嘆賞且聞駕海之舉盛轉然  
江海之險非丘陵可比若以衣裳鱗介論  
之任責者當以萬全為言因贐鄙詩敢以  
略及

邁往凌雲見妙年東征書檄更翩翩萬艘瀛海參戎  
畫九點齊州漫野煙再服終期歸禹貢異聞無復訪  
裔然舞于不作三苗舉好為清朝論萬全

董氏家庭拜慶詩

順德少尹董君舜卿太夫人蘇氏系出異  
州大家今年九十有四起居飲啖精健如  
五六十人以董氏論之親老而壽家溫而  
祿雖云賦子攸厚亦孝感所致而然壬午  
夏季十有三日蓋拜慶辰也求歌詩以為  
榮謹書此以侑壽觴之末

發光分秀下含真來閱人間百歲春子孝每能忠作  
訓家肥還自德為隣庭萱吐鳳明珠樹蓮葉翻香濕

綉裯一曲南薰薦蒲酒慶筵長對歲華新

近按部襄國提舉張子厚為僕留連者月  
餘既而得代裕如也因念其治燕南鐵官  
之寔不旬時同僚給淨由以付張子之臨  
財蒞政其為人廉幹可知已將行以贈言  
為榮喜書此以貽

三十年來舊弟昆紫髯落落照鄉隣  
白圭磨徹光無玷青眼看餘分更親  
均幹有方留後法泳游何患作潛鱗  
一杯回首河橋柳亂擺春風約去塵

挽中書左丞魯齋許公

經綸根極自朱程小學從容到大行  
安漢固當煩綺聘要湯初不待伊烹  
小辯女姝素有批鱗直旌墓當書積

善銘兩夜天官臺下夢分明危坐話平生

庚伏日大雨

屏翳驅雲障日昏雄風吹雨怒翻盆天高地厚初無際  
電激霆砰入併吞造化有神藏妙用枯焦回潤沛  
深恩客總更喜終宵爽滌盡煩歎夜氣存

廣宗董主簿二親同壽八十求詩為慶

七十人間古已稀况登八秩壽眉齊慶延為厚于門  
積松茂同歎鵲嶺低棟莠堂深鷁接翼碧梧枝老鳳  
雙棲年年長至花開候蒲泛春風薦玉盃

留別鎮陽諸公

梧桐葉上雨瀟瀟涼透踈簾夜寂寥長往有懷深霧  
隱虛聲何意望弓招三年渾水人情好千里維陽去

路遥多謝諸公挽留意取將哀謬枉清朝

哀清河公

振轡咸池挾日飛識先秦府帝圖輝氣緣剛果踈沉  
慮变出倉皇落甌機尚賴

聖朝明朴直豈防諛口重緋衣誰令諸武留遺育悵  
望燕雲借敬暉

圖回東別鶴鳴軒脫却山衣相有元汲直寢謀推國  
老羽濞沉鯨認

綸言參旗不掩千年氣楚些難招九死魂欲雪絳究  
吾舌在有書無路達 天閭

詩送宋克溫郎中北還

神駮出水氣凌雲一顧曾空冀北群鷄舌賜香封事

祕紫宸陪仗絳纓紛茂陵弓劍空秋草麟筆公侯削  
魯文從騎不愁逢醉尉暮歸猶識舊將軍一作詩屋  
蓋門瀚雲

西池幸遇詩

壬午歲十月十二日某以承華事略求

見引見者工部尚書張九思已刻拜

太子於宮西射圃內北前命近侍趣入者

再既見問秦始皇何如主某以所行過

暴為對

太子首讀明分篇間漢成帝不敢絕馳道  
事喜甚至輟射繙閱悉問其各篇主意  
張九思木忽乃略為應對讀訖以書付

董八哥會靜時細聽未未賜酒露醉而  
出

射殿風清已午間曳裾挾策拜

隆顏首詢帝子龍樓召喜輟犀弓偃月弯蔡霍儘酬  
承日志簡編不負半生閑滿搏春露露息處光動西  
池玉筍班

挽元倅善長

危弁長遊士子間襟顏相接諷於蘭身綠吏隱多時  
尚事與心違仗酒寬千日醉吟愁儘在一朝卧病衆  
知難空懷去歲中秋會六郡歌頭聽細攤

今春酌別鎮東門誰料歸來便哭君每愛醉歌增忼  
慷若論友義更慙慙谷駒夢杳驚炊麤塞鴈行踈斷

朔雲撫卷題詩倍惆悵有知當徹九泉聞

贈張詹丞子有二首

一拜龍顏見赫臨繼開詹府更良箴抗言博士議當  
取端本後朝緣自今千慮徒懷愚者料片芥難盡野  
人心儻蒙銀字霑恩去未礙東山擁鼻吟

中護名香鶴禁深津津芝宇見雄沉兩坊春色煙花  
地一片丹誠羽翼心夜侵不容侵翠鑰布衣仍籍口  
華箴五雲常近前星潤正要乘時作傅霖

贈史中丞并王高二侍郎

朔吹驚翻白錦鷹搶揚還復籍飛騰嚴城鐘鼓殘更  
月客舍風霜半夜燈老境幾何心未已清時有味愧  
無能一毫儻便公松去大是生平幸不勝



贈趙禹卿

燕市分携又六年，眼中雙鬢兩皤然。  
橐金周急為真樂，畎思君類昔賢。  
章曲去天纔尺五，田食客尚三千。  
相看一笑風神在，不似長鱸吸百川。

壽楊奉御五郎

黑頭宜挿侍中貂，華岳秋高見準標。  
滿眼風雲承眷顧，四科言語獨超遙。  
時陪彩鳳巢阿閣，又領春上柳條端。  
尹後朝斯任重視，君眉壽等松喬。

贈楊吏部子裕

載覲清揚又六年，充庭儀鳳更翩。  
事條不獨山公啓，風鑒能知漢相賢。  
黃散許除伸素志，銓衡停允正。

吾權春風密鎖天官署長訝唐人緩所先

劉禮部歸國詩卷

朱邱同父易舊傳使華光動海西堧十年都護清如水百險歸來雪滿缸壯節氣凌殷侑序  
卿檀錦窠未是春風地會見吹噓侍日邊

贈崔中丞

秀拔冰天一氣晶幾年宮閣作先声閉門著論驚崔寔審勢陳書似賈生鉄柱宛從貂珥出簡霜能肅柏臺清堂堂正有文貞笏擊暴權教是小成

月波引清商六調其一寒光相射其二吟侵牛斗其三靜聽龍吟其四遊魚躍浪其五風塵成紋其六深夜回舟雙溪相公首

韻者澹游張緯女僧木菴趙虎巖著  
苗君瑞之姪良弼求詩於余勉為奉和以  
續五賢之右

露洗金波蕩碧空清商傳調自天風  
看來冷浸雲間斗聽夕幽吟水底龍  
孤棹泛溪回雪夜跳魚翻藻避蛟宮  
一彈曾感神人暢何翅平公為斂容

謝平章聰山公見惠東陽佳醞大同枸杞  
書院春風靜掩閑洞庭春浪漲滄灣  
雲腴釀自東陽耐仙杞香來大若山  
二物并遺沾雅貺一樽端為駐衰頰  
應慙潦倒登瀛客尚覲

哀憐

賜珮環

開

秋澗先生大全文集卷二十三

開化圖書

Uchuhwa Library

秋澗先生大全文集卷第二十四

七言絕句

寄張孝先

愛而不見我心勞好在天池刷羽毛一曲紫簫風露  
冷黑山無際月明高

寄贈王嘉父

十日休閑一到衙冷官滋味賈長沙醉歸多趁湖南  
月馬上披香直到家

送王子冕天壇行香

山川望秩走星輶藩府懷賢夢想勞不爲碧雞金馬  
異漢家優禮起王褒

蕭徵君哀詞

東瀛先生有道之士也予以里閭故獲  
展履綦之拜蓋十有一年矣今茲云亡  
謹撫其見聞之實作追懷詩六首姑達  
乎感慨云耳

北上求書約重過豈期遐想仰山河適來適去公常  
事親見先生曳杖歌

含悲空炷影前香風袂冷然返帝鄉鶴馭不來塵世

隔芙蓉城闕月茫茫

李白長鯨汗漫期秋山魂冷未來歸傷心孰紉西州

路何止羊曇淚滿衣

鬱鬱佳城晝不開玉霄東望靄蓬萊空懷華表城頭

柱會有它年化鶴來

萬事生平委自然竹風松月共清圓  
衣塵才拂朝元去忍向人間久棄捐

樓觀才成人已非  
身前毫髮恨無遺  
空餘讀易壇邊竹  
露葉青青若淚垂

比干廟

玉骨琅琅盡古丘  
凜然英氣尚橫秋  
朱游訕訐何為者  
敢辱先生地下遊

雪夜

暮雪紛紛亂撲牕  
牕牕無酒只空缸  
壯懷俱與爐灰冷  
惟有詩魔苦未降

旋呵凍筆吟冰柱  
急掃風花煮夜茶  
客去焚香閉門坐  
小齋初不羨山家

八月十四夜與雷彥正步月

秋聲入戶夜虫多  
辜負金樽漾月波  
燭暗香殘人欲去  
滿庭風露影婆娑

卓水

鏡中流水盡中山  
酒盡銀瓶興未闌  
碧玉沼深人不見  
柳花飛度翠琅玕

夜過滑州

黑稍軍聲動地來  
魏人宵濟宋師迴  
而今一統無南北  
月下搖鞭過滑臺

跋龍眠二駮圖

玉塞沙平苜蓿繁  
渥洼春水泛晴闌  
幾時扈從長楊獵  
一片紅雲拂繡鞍



漢家天子狩陰山萬馬憑凌汗血殷早晚華陽香草  
地氍氍得似畫圖間

美人却扇圖

寶檻承恩妬露華背金翻日羨宮鴉幽閒好倚闥  
德望絕羊車失自誇

絕代佳人擬罕儔幽閒無夢到河鳩春風靜瑣昭陽  
院落盡庭花轉自愁

游瓊華島 中統元年作

鳥語山容喜客來耿純襟抱若為開六龍冷駐陰山  
雪暫擬層巔作望臺

芙蓉水殿蕊岩松六月雲蒸此雪宮樂部不聞清夜  
曲舜絃聲裏詠南風

蓬萊雲氣海中央  
薰徹瓊華露影香  
一炬忽收天上  
去謾從焦土說阿房

五雲仙島戴靈鰲  
老盡瓊華到野蒿  
惆悵津陽門外  
去春風飄亂酒旗高

大定明昌五十年  
論功當出漢唐前  
儘消一島承清  
讌且置堯階頌采椽

躡盡寒雲冢上層  
土花春碧愛觚稜  
江山如畫人空  
老更倚殘陽望道陵

玉樹歌聲繞北虛  
朔風吹恨入南都  
六鰲不戴三山  
去留與都人泣鼎湖

光泰門東日月躔  
五雲仙仗記當年  
不煩細讀江南  
賦老樹遺臺倍黯然

杜莘老荒山訪友圖

隆中人有鹿門期  
梁甫吟餘獨杖藜  
殆似老龐歸向  
晚釣船猶艤暮江西

秋懷效樂天體

閑書遮眼睡昏昏  
食飽無茶腹自扞  
斜日倚門風乍  
起滿庭黃葉擁籬根

早起

星河黯淡湛玄雲  
露下庭柯落葉紛  
夜氣遠從天際  
斂秋聲時向樹頭聞

冬日與呂丈讀毛詩廿二首

婦道防閑貴有初  
文姜失御從雲如何  
殊筍敝梁空  
在秋水誠多得計魚  
敝筍

服御鮮明擬大君  
麟麟轂擊汶陽春  
載驅既匪勒王  
車隱惡能無播  
萬民載驅

濟濟威儀美且都  
詩人流詠入嗟吁  
齊家爲失防閑  
禮禦亂無多金僕  
姑荷嗟

爲國規模以德將  
恬然風俗入安疆  
新婚服棘旣非  
禮葛履凌霜尤失  
常著屨

汾水悠悠宛一方  
條桑采蕢僕夫當  
誰知粲粲駟車  
子終日頃筐沮洳  
傍汾沮洳

得民方可固邦基  
此道幽深莫我知  
却憶賓庭陳百  
旅棘桃猶足備多  
儀國有桃

地狹民稠十畝間  
來歸來逝共閑閑  
何當一復周家  
制各守封疆絕往  
還十畝之間

邦畿蹙近四鄰侵行役無時怨抑深陟岵遐瞻利自

慰倚門應甚望雲心陟岵

不畋安得數懸門匪稼胡為禾積困但恃鄙貪居祿

位不能無愧伐檀人伐檀

碩鼠歌詩怨已成三年貫汝未聊生熙熙彼土雖云

樂猶抱遲遲去國情碩鼠

皂緜示約人從化玉樹歌淫國旋空蟋蟀戒深垂萬

世由來奢儉貴乎中蟋蟀

隰原尚賴樞榆蔭人主憂勤貴一身堪鄙晉昭徒自

苦只將鍾鼓樂他人山有樞

粼粼白石水揚揚宗國由來日盛強木末儻從師服

諫爭交竊國似田常揚之水

沃土分封自晉昭子孫蕃衍喻園椒大夫休起盈升  
歎宗本顛披爾遠侏椒聊

束楚綢繆仰見星時危婚嫁禮難成却思王季興岐  
日內外俱無怨曠情網繆

骨肉凋零失所親徒行踽踽一身存不如杖杜春前

樹枝葉猶能庇本根杖杜

服御羔裘豹飾祛國人不恤反居居豈無它所携持

去恩好猶懷未忍踈羔裘

孝養庭闈士乃常反教執役事戎行悠悠仰面蒼天

渺失所何殊鷓在棄鷓羽

晉國流風屬變移武公反正思依依誰知問鼎傷肩

際肯獨尊三請命衣無衣

道左團團杖杜春清陰猶得庇行人國彊須賴群賢  
輔孤特何爲任一身有杖之杜

歎生蔓野葛蒙枝女子從人得所依衾枕未溫征役  
遠庶幾百歲願全歸葛生  
晉獻聽讒似采苓竟從微隱殺申生後王采察能明  
遠謫愬雖多自不行采苓

梁園對月

兒時曾住汴梁城二十年来重此行一片鳳凰池上  
月向人還似舊時明

過蕩陰東周留村

一湾流水麥青青楊柳陰中野竹橫幾樹桃花如舊  
識隔溪無語笑相迎

喜蕭茂先得雄

未聽帝聲骨已竒  
桂林安取野棠枝  
老髯嗜學初心在  
刺脩箱書付阿宜  
滿帙新詩羨寧馨  
慰心尤喜老來情  
壽兒此去如春筍  
玉節亭亭脫錦綉

夏夜

野雲明處電飛光  
海牽青浮落日黃  
想得近山多雨過  
滿庭風竹月波涼

夢中賦月燈詩

風外筠竿倚暮烟  
忽驚群日帝堯年  
天公两眼何嘗暗  
底用分光照一偏

遊泰山雜詩



肝融萬化群龍首丘垤諸山五嶽宗茂陵誕荒謬後  
世佻神何意均望東封

祖龍東巡擅椎豪天門風雨幾遁逃虞帝不來天自  
老秦碑空倚禪壇高

衆山迤邐朝西東帝孫突出天之中巨靈不劈蒼崖  
斷雖有絕頂誰能通

何年氣母此融結大小天門五十盤三峰自是神明  
觀漠漠陰風走石壇

岱宗巖岩靈氣宅雲烟物外爭新奇世事難必有如  
此吾欲人海從安期

綰茁元氣通滄海霧湧雲蒸一水山五十連城望霖  
雨少分餘潤到人間

萬壑瓊林映碧崖雲間三頂鬱霄臺摩挲手御帳殘松  
樹曾見秦皇漢武來

路從御帳北艱屯松頂雲凝日脚昏上盡曲盤十八  
折卸看猶自有天門

盪曾滄鬱陰雲生行出天門路漸平脚力有餘中頂  
近徘徊應為紀山銘

朝暎爛爛烘層巔天門直下屯蒼烟乾坤故為作開  
闔世界幻入堯羅天

何限詩人不克登扶藜直到最高層壁間速即留題  
去雲起封中冷不勝

東山何高四十里萬古通天只一門不知洞府深幾  
許宿雲無數儘雄吞

雄觀駭絕東溟日逸駕高於北海鵬更著山靈出奇  
貨千岩蒼雪玉稜層

雪林屨跡過新蹄石蹬雲羅步步低多謝山靈相擁

護一杯無事到中溪中溪神祠名在山門口

贈相者李吉甫

仙機分自洞中春閱盡長安市上人留取神光半背  
上要渠着眼過天津

跋豐稔還鄉圖

廟堂真宰拜姚崇斗米三錢四海同今日太平應有  
象畫家消息恐難工

過邯鄲

層臺高與暮雲齊全趙河山入均王低貪和野花雙塔

句夕陽又下故城西  
我自驅車下九門  
眼中襄國動吟魂  
從教兩鬢蒼渾如  
雪猶喜歸來故步存  
黃糧夢短不須驚  
滿馬紅塵過趙城  
獨上荒臺重悵  
悵野烟無處認温明

題雪谷早行圖

頭痛風炎萬里程  
行人何限把雙旌  
犯寒休訝征車  
早冷嶺東邊是帝城

新店看山望京樓

喜入關南百里川  
朔風邊雪頓醒然  
夕陽欲下蒼烟  
起看盡西南破墨山

秋雨靖山道中

一重一掩吾肺腑老雨荒山記北還人在碧烟深澗  
底仰看元氣湧雲間

酌百泉水

去時蘭佩惹春烟歸日羸駝跨敗鞦韆賴有百門山下  
水療飢猶可度終年

偶書

郝卿持節使江臯子勉翱翔主御曹我幸閉門無一  
事醉餐秋菊讀離騷

跋司馬溫公燕處圖

獨樂園深百草香一編心與道相忘不妨卧老琴書  
裏破散青苗有報章

道與晴雲任卷舒心存廊廟跡江湖石君被遣公孫

死慚愧先生燕處圖

擁馬留公作帝箴人心六抵是天心  
惠卿未死舒王在一集傳家了古今

壬戌歲除夜

坐久虛窓夜氣澄未容心事淡於冰  
滿襟忠血傷時淚一點清光教子燈

春風萬里圖

人間塵土日紛拏流水空山半落花  
自是道心游物外不須誇誕說流沙

蓮社圖二首

人間廬阜東南勝兩晋名流竄賞音  
阿麟因之出新意秋香和月寫東林

鬢絲禪榻喜相同詩在秋季  
客不隨江月照還空

千古風流社中

跋蒼江待渡圖

朝醉新篔簹暮錦鱗一篙獨占  
且休熟睡秋蓬  
底無限津頭望濟人  
隆中高卧耻為邦雲裏呼舡渡晚江老負舊幾人堪晤  
語徑須持訪鹿門龐

贈別王晉卿

漢署千官列鴈行九天獨被繡衣光布衣自笑題詩  
客空抱澄清望八荒

青鎖仙郎被服新寵光千丈爛盈門何時得侍紅雲  
表竭節同酬一命恩

三才卷二十四  
劍履翩翩趣此歸秋衾日夜夢彤闈長楊輦路都門  
柳恰及飛花點繡衣

挽蘭同知進之

留心藥籠緣多病歷仕鄰藩便暮年迴首西州門外  
道偃然長寢兩相捐

行年六十不為夭貳政三州有足稱伯道有兒終抱  
恨夜窓無及讀書燈

一丘黃土清溪曲三尺蒼髯六十身千古桐鄉遺愛  
在只須秋草卧麒麟

得調澶淵幾載考自營墓穴已三年幾迴對客親曾  
說理近清溪性所便

翩翩老騎赴征車前日東城別路隅酒榼素筆今寂



冥河山依舊繞黃壚

戊辰後正月七日雪

北風一雪麥田空坑谷堆平蒲棘叢近日化工無棄  
物揔將春澤到蒿蓬

戊辰門帖子

安分愛尋蕭遠論廣騷情讀楚臣辭里人莫訝三冬  
蟄一寸丹心用有時

送劉主簿文遠赴都

仕途坦坦駕輕車殆似劉君赴部除不枉洛南溫處  
士半生清苦待徵書

終南捷徑霾荒霽吏部銓衡到至公相過不須論出  
處季鷹門巷幾秋風

除官限自三年例計月須憑一考優聞說

聖皇思治切夢賢無夜不若幽

貢璧輸琛買煦濡萬言不博一除書秋風兩戒河山

疾自把鋤犁計未踈

求官自古近長安格法如應事不難說與磻溪谿上

叟且須寧耐把漁竿

題薛微之遺安堂

靜思富貴履危機醉著人心死不知愛煞遺安堂上  
客此心還與鹿門期

清樾蘭皋百畝陰兩椽精舍倚雲深一鞭春事東風  
裏劉表何人識此心

因題前詩偶書

山林長往廟堂居一襲時衣飯兩盂溫飽較來均一  
槩忍尋機弄博頭顱

挽趙教授公淨

目擊冠裳一老儒爭教蒼海失遺珠細思晚起山齋  
語地下脩文事本無

淵源分派太中君偶讀殘碑得古文河濶祇能憑再  
世不須回首愴蒿著

儒林遊戲入禪關晚節浮沉里社間異日衛人徵故  
事為公扳例取香山

辛苦生平篆刻勞也露汀草亂春袍有兒不肄中郎  
業却是先生一着高

是是非非到蓋棺誤身無侶戴儒冠蒼涼一片共山

月照徹先生首荷盤

生理蕭條奈老何春風着處是行窩哀歌偶及生存

事却恐羊曇淚更多

因著圖經大起予發揚潛德到幽墟案頭幾卷遺編

在愛惜過於汊塚書

時予作漫都志乃類集蘇門  
事述一編甚詳悉見贈故云

跋申達夫藍采和翁頭

一踏高歌了世緣春風兩袖地行仙無端忙煞癡兒

輩貫朽都來有幾錢

謂梁太師王彥章祠

太師祠廟汶城西塚上纍纍日漸低唯有英聲消不

得至今高與泰山齊

雨後溪田即事

朝來一雨曙光微  
高樹涼多露未晞  
喜約老農來看稼  
不辭露濕芟荷衣  
清寒墟落漲秋濤  
溪上行吟樂已陶  
洞口未容烟鎖斷  
更須時上武陵船  
平明新漲復溪痕  
曉月搖光映棘門  
騷客不愁漁箔短  
縱教魚鼈長兒孫  
三年耕養一經通  
水旱豐凶更在中  
貢法不來神聽遠  
此生窮達仰天公  
種樹書殘倚釣竿  
日長微暑喜清寒  
草堂去水無幾多  
地隻足時來踏碧瀾

錄役者語

十人供役二三廻  
困似車輪半道摧  
眼底去留生死

隔爭如先作陌頭灰

土戰何年是了期為王城此不知疲一門親削宣尼  
筆為國勞民貴有時

一夫詛祭九魂知護我南行爾亦歸惆悵桑乾河畔  
月至今寒影慘無輝

或云河南役夫既罷歸九者皆歿其一負  
衆骨而西渡瀘溝因祭而祝曰今汝等俱  
沒我幸獨全抱汝骨以歸汝等有靈當佑  
我使與汝父母妻子行相見也其人前次  
范陽亦病死

工無役鬼必勤民萬雉功成歲月因從古有庸三日  
止未聞膏血化灰塵

今春疫氣是天裁百日為期力儘能三尺席菴連夜  
兩杵聲才歇哭聲來

火中渙汗土中蘇却被車轆殞半途六月炎風一千  
里大河南北看巢居

病骸困苦自知休叮囑同行瘞故立父兄祇知安健  
在計程今日過瀘溝

父來接子值同徒欲話渠儂涕泗俱昨日道邊因困  
卧不知今日有還無

病軀甫差須扶護趁伴貪程日夜奔太半殞遺多為  
此故鄉歸去有殘魂

蕩蕩王城玉削裁青山三面壯圖開興功計產能中  
止狼籍春風一露臺

數口爲家尚聚廬一王經野古良圖限期百日非為  
遠部役群宮事大勅

觀風浪中回舟

風蕩輕舟一葉迴望中掀舞碧濤堆舟人若解臨觀  
恐迂緩甘從遠道來

清溪晚眺

洲渚橫陳水退餘兩行風柳映菰蒲暝烟誰踏扁舟  
去望際漁灯一點孤

題陳德秀東臺手卷

井落星纏一炬殘市門留入畫圖看祇應千載東臺  
月長照鄉人祝社壇

至元戊辰應聘憲臺留別淇上諸公懷中



金馬門中金馬臣銅駝巷陌歲華新  
閑雲也被風吹去散作千門萬戶春

竹林幽隱圖

西晉風流號七賢  
葦林茶竈共林烟  
松琴響絕千年後  
喜見清風一再傳

清時有味是閑身  
不可一日無此君  
着脚歲寒堂上去  
秋風門外葉繽紛

蘇嶺桑麻杜曲田  
歲寒誰似此君賢  
鳴歌不種南山豆  
千畝風煙學渭川

昔賢愛竹與竹友  
出處揔得高人名  
今人未著林頭屐  
里社歸來畫錦榮

共城瀟灑似江南  
萬竹幽棲老所堪  
李沆似為諸子

計比山先掃讀書金龍

煙雨溪南百畝春盡將清景屬閑身河山不隔黃壚

斷却恐功名老逼人

春夜獨坐

讀書聲歇燭華殘潤入琴絃覺夜寒寂寞小窓雲影

薄隔簾梧葉雨聲乾

仙遊曲五絕

春山雲白紫芝肥歲歲征駢動漢儀政自修身傳治

本不緣幽睡試希夷

鶴護龍香醮夜壇露露桃花影記驟鷺碧雲暮合秋空

迥石上清風漠漠寒

庭竹無人綠滿窓幽香和露濕電幢日長孤絕壇邊

鶴啄遍晴苔影一雙

漢家堦拜竹宮垣環珮聲沉碧落寒  
遙憶受釐宣室夜一言前席萬方安  
金簡朝元擁玉華碧壺香滿謫仙家  
石壇冷掛銀潢水會待秋風送客槎

六度寺

荒村到寺才三里古屋懸崖殿幾間  
從此重經題品過衛人方識有壇山

山下石田百畝餘子孫眷戀祖來居  
向人爭說新官好二稅輸來雜泛無

縈紆一水蟠深澗野叟何知說太公  
壇下古碑堪晤語大書深刻太康中

太行東麓太公泉喬木蒼煙擁壤垣千載祇應尊有  
德不須深泥竹書言

老鶻舖雛百丈崖羽毛才鷓鴣人來孤懷牢落風埃  
底何處呼鷹是故臺

聖泉流潤過南村共說來年雨水勻山若有靈能假  
手六花先壓壠頭塵

枝撐佛宇老風煙歲月仍題聖曆年零落亂山終悵  
望捫蘿應欠入香泉

先子能聲以吏聞生平遊戲見詩文遺書自忽入孤兒  
眼淚洒西山日暮雲

鷹鷂揚來自鎬函西草木荒山壁壘低賣食解牛真妄  
說斷碑明指是殷溪

山中宿麥苦無多喜見團科際兩坡縱未痛收終有  
望入城容易揭差科

同劉勸農彥和葛縣令祐之遊蒼谷口

四山遶盡外來風山崦人家不覺冬獨立蒼崖重回  
首山形渾似又居庸

夕陽西下暮山稠崖下蒼池似炭湫把釣不愁雷火  
出品題應爲此山留

近山風俗果溫純知有從來縣令尊  
霍老扶扶爭致語不嫌山野過柴門

山神說是宰公身野老爭來話本因  
採玉得仙俱僞惚至今功利及斯民

九龍分部中天兩何處癡蟠睡不開一  
勺鳳凰臺下

水有時風雨洗天來  
方山忽斷兩崖開  
中有蒼河自北來  
行出山門俱不見  
玉龍翻作地中雷  
不須犀火瞰蒼灣  
萬古幽陰鬼所寰  
山下黃塵三百丈  
巢居安忍掉天山  
地爐火在壁燈昏  
睡覺山堂笑語溫  
豆粥一盂官事了  
緩搖吟轡出山門

贈星斗客冷景發

六甲星躔入苦心  
術窮滄海別穿深  
滕王閣上三盃酒  
曾博相如換賦金  
萬類芸芸固不齊  
一推能盡未來幾  
向渠待福早晚台  
光映紫微

炯炯雙瞳楚語紛闖懷陰窅失崖垠坡仙有句堪書  
贈醉裏微言更近真

有命何曾論智愚班超傭筆衛青奴自從遇着洪都  
客豁得胷中俊氣無

半生心事苦蹉跎其柰胷中不朽何鳧鶴短長俱有  
數曾卿三昧聖之和

遊霖落山雜詩

東山削出翠芙蓉西壑斫研貯雪風人說魏王曾避  
暑殿基猶是舊離宮

龍嵒悲臺倚寺西山空留在舊禪扉老猿叫月蒼烟  
去魯伴山僧夜半歸

青山斷處塔層層廢殿臨崖枕虎形千文畫年宜晚

對野烟飛去助空青  
絕磴穿雲老蘚蒼  
捫蘿行到蒼公房  
室香冷澈華嚴  
壁木客猶誇夜有光  
滴乳岩前掛瀑流  
青杯飛洒動高秋  
玉龍躍入青冥  
去堆疊蒼烟萬壑愁

秋澗先生大全文集卷第二十四

開化

Cathua Library



秋澗先生大全文集卷第二十五

七言絕句

五年夏四月朔日即事

朝衣締綌暮綿裘氣運和天不自由吹損綠陰風不定晚來庭院似深秋

贈周幹臣

槐府潭潭吏隱周青衫騎馬亦風流入門休問生涯事讀罷離騷待菊秋

題風雨廻舟圖

江南江煙萬里秋幾年汗漫事長遊憐君已落風波裏只恐廻舟不自由

題王武子觀馬圖

玉華吹散滿身雲，掣電追風隱駿奔。  
好尚祇誇毛骨異，不思戎馬在東門。

題李伯時所畫開元御馬圖

閱武驪山是近游，霜蹄蹴踏厭長揪。  
料應扈從東封了，一片雲煙赤岸秋。

題山堂會琴圖

靜夜山堂萬籟沉，抱琴來馮古人心。  
箇中真趣知誰會，門外松風是賞音。

聖賢思治先琴事，子賤為邦舜阜民。  
莫訝松軒來會數，要從心拍起經綸。

寄潞尹侯伯祿

分携不及都門別，情話長懷五夜灯。  
蘭省未妨虛儉

幕郡人爭喜識黃丞

太行絕頂路州城竹馬兒童遠見迎聞說下車公事  
簡不勞衙鼓報新晴

題李伯時畫文道觀馬圖

晉人大槩尚虛談外物遷移等徇貪千丈神光渠自  
有却將風駿馬中驂

金城店

麻葉翻風稻映畦道邊垂柳蔭橫溪一竿青旆誰家  
酒金店東頭野竹西

金城懷古

典午能延邂逅生拓弓銀研未志情較量成濟揮戈  
慘天道中還固未平

絳陽道中

山自南來兩翼開汾岡橫亘隔金臺伯宗驅傳無輕  
去聽取輿人論絳災

絳州公廨即事

終朝據按訊纍囚日暗風淒動鬼幽草暗池荒人不  
見絳紗灯影看懸流

河東池館絳園優才守豪王樂讌游兵

見斛王祠畔暮山稠

挈鷺提鷗次第開碧園丹陣鎖重臺

土却似汚宮為世哀

樊守文章世已驚富公遺愛

水假借群蛙徹夜鳴

鼓水西來竇北墻絳園形勝日增雄依稀奄盡樓臺  
影猶在瑤翻碧湫中  
水聲激激枕邊來卽看倡池碧鑑開三尺短碑樊記  
在苦無多意發雄猜  
莽望黃原勢袂天驚膠南走削孤巔東臺何限消沉  
意目送汾流落日邊

讀絳陽園池記

樊守文章未易窺艱深宜被後人譏一言能盡興衰  
理愛煞當年李格非  
周孔文章載道軌定刪元自典謨留不知魁紀操觚  
意地絕天通孰與儔

題斛津王廟壁

玉璧威騰却日戈飛搖其祭伯升歌須知地下坡陀  
血氣壓南山翠不磨

祝融堆稟表韓公神理雖冥正可通自愧不求來折  
獄亦蒙陰相誘愚衷

過絳州北哺饑坂蓋晉趙宣子飯靈輒處也應有祠屋今廢

釣采華名世有人微勞高擬泰山勲此心報德誠堪  
尚事了身名兩不聞

血肉焚牙白晝寒挾輪來脫趙卿艱悠悠鶴蓋陰中  
子高揖清風恐厚顏

晉國平時有殍夫趙宣為政果何如哺饑坂下重回  
首一飯酬恩寔豈予

題夏當務壁

村落人家柳比稠  
平時分水細為籌  
朝來一雨郊原足  
門外長溝滿意流

龍祠禱雨

中岸烏紗角半摧  
馬蹄泥滑晚相催  
郡人莫訝麻衣濕  
適自龍祠禱雨迴

禱雨龍祠訪張總判不遇因題其壁

甲第分携半月餘  
遠迴相過得須臾  
松陰滿院溪流碧  
辜負臨風一捋鬚

登白雲樓

百日區區簿領間  
白雲樓閣幾憑欄  
秋來致有西山爽  
兩度還容拄笏看

山沉雲高暑退初  
簾文如水葛衣疏  
邇來郡府無多

事卧對西山把性書

贈墨卿秦得真

壯心零落羽林槍老劑玄圭入退藏為報鳳池池上  
客不應神品擅潘張

麝團小印柳枝龍不減唐人入漆工留得玉堂揮翰  
日桂香攔檻聽松風聽一作泛

秋望

客窓十日雨聲中雲影朝來綻碧空不上西樓能幾  
日滿城黃葉動西風

題子猷山陰圖

閉門一雪天地白乘興即上山陰船愛煞此君真率  
意至今人境兩脩然



自朝

踏月聞鷄出郡齋  
逐地兵賦民情使  
汝諧  
搥鼓放尚來盤盤  
三晉河山

自壽

二年岱頂富竒觀  
今歲姑山對霧鬢  
笑拂巖華指歸路  
黃塵深處是人間

待旦軒假寐而作

待旦軒虛曙色分  
瓦爐釜煖有餘薰  
細思日用無多事  
一靜能消萬有紛

題永安刁氏別墅壁

一川百頃數家村  
複嶺重岡擁澗垠  
樹藝自勤民自儉  
勸民冠蓋不須頻

南崖刻畫似城闈北勢耕桑聚落勻所願廟堂論至  
理萬方風俗再還醇

聚遠亭刁氏別墅

壁間題示墨猶新聚遠軒中人幕賓還喜晉人風士  
舊一村名姓似朱陳

英武王馬燧廟

西平英氣凜如生千古旌忠勒御名過客賦詩增感  
激北風原上鼓鼙聲

奔鱸吹浪盪蒲津堂上奇兵莽已神老賊墜降還赴  
召比量先軫乃純臣

汾睢懷古三首

伸倪三面削蒼崖中擁汾睢寶氣開夾道老槐古莫

訝虬枝曾拂漢旗來

武皇誇大喜雄奇鼎出汾陰恐事為更著壽王相嫵

媚守經深見漢儒卑

東封泰岱西汾陰始自嬴劉好侈心只為一非無所

格儘令方士出妖淫

過聞喜縣有懷元鼎故事

秦左邑相鄉地

窮兵無似漢皇雄六合為家意未克一喜政能留故

事舞干終愧有虞風

過太寧宮

披雲臺晚野煙荒宮掖坊深半夕陽獨有太寧祠畔

土碧花猶自學宮粧

安邑道中

匡墻螢火暮微茫樂歲人家半米糠漢至孝文才四  
葉便能三萬里農桑

謁司馬溫公墓

河山兩界夏西分孕秀鍾靈產異人可惜秉鈞纔八  
月不教仁澤浸生民  
鳴條山遠聳孤墳千古嵩高仰甫申有意誕彌無實  
用竟將新法誣詭臣

游棲岩寺七絕

上盡雲間十二盤一枉松下散襟顏老僧近晚堅留  
客爭指西南見華山  
河山形勝見栖岩萬壑秋聲度碧杉奇絕此遊還有  
恨杖藜不到冷雲菴

翠崑回抱鬱蔚蒼官絕境軒橫杳靄間老矣瑞峯待僧  
應健在護持長伴八龍閒

宇文周末年大禁釋教有曇延師者遯隱北山夕  
之有樵叟日來聽經后師道成復有七人者來師  
問故曰余八人皆龍也其一已傳師教故余等亦  
來受戒

一徑縈紆入杳冥望川亭迥夕陽明欲知眼界寬多  
少放出秦川似掌平

層巖重倚尚斜陽山下風煙一漫蒼恨煞愛山王老  
子不來同宿贊公房

暮煙遮斷嶽蓮青低壓河流一線明已被山靈嫌俗  
駕更堪留榜彥倫名

安然乘馬到金蘿一笑山間對鳥窠詩句滿前拈不  
得風煙還比石樓多得一作出

鐘聲出谷尚依依穩送詩人帶暝歸自笑野猿山鳥  
性夜深幽夢到嵩扉

跋提刑王副使航海圖

天險無踰海與江得人一葦即能航懸知恢廓高宗  
志夢繞商崑夜月蒼

鱷翻鼉作大江流舟楫顛危咽掉謳忽展畫圖還自  
悟當年風雨過封丘

遊普救寺

晚寺人歸憶會真夢雲花氣鎖窓春重簾不隔西廂  
月一點香來是襪塵

讀破口先事跡

釋氏功夫向上尋  
一身歸寂雪山陰  
片言能脫盈城命  
似似先公濟物心

贈船蓬姚道人

一龕塊坐已忘身  
陸海舡蓬別有春  
却為梨花枝上雪  
等閒踏破綠苔茵

臨晉道中

野雪晴消病道泥  
茫茫銀海際煙霏  
日斜信馬中條北  
愛煞山光照客衣

春雪

小雪霏微不滿空  
亂穿庭樹舞春風  
餘威似掣調元肘  
不與東皇擅化工

曳龜圖

馭說闌翻已自欺更堪身世兩相遺抱麟痛為東周  
泣爭遺宣尼不及時

公堂午吏散一首

吏散公庭日轉西蟻旋蜂閑靜無時人無定志堂居  
遠悄悄孤懷抵自知

清明后一日作

里巷春遊開鈿車午窓睡起日西斜閒書讀罷焚香  
坐淡對一枝山杏花

卧數牋搖對日曛一簾晴影弄游塵鄰墻幾片桃花  
雨點破苔塔更可人

懊惱春悵因宿醒偶隨游子到溪亭多情幾行城南



柳三度春風見汝青

跋李提點和甫筠溪亭和甫開封人早年

應神童

碧鮮庭戶玉琤琮影透疎簾翠幾重中有道人高節  
在青青初不易秋冬  
洗耳無煩近潁川虛心獨愛此君賢何時拄杖敲門  
去讀罷離騷聽夜泉

題鄆縣簿雷損之景程齋詩卷

道統幾微孰繼傳景程還得此君賢  
須知二帝三王  
事要似仁民愛物先  
理窟名言媿典墳發源伊洛見經綸  
千年鄆杜遺風  
在更着雷卿繼後塵

題田使者王泉垂釣圖

渭畋應未兆，非熊底是曾。  
蟠萬丈虹，辦與澄湖三百  
頃。一絲斜裊綠楊風。

挽平陽教授崔君度

心醉群經四十年，老成身後見波瀾。  
蒼涼一片姑山月，空照先生首蓓盤。

孟浩然灞橋圖

金鑿消息遠，相招雪滿吟鞍。  
過灞橋處，士本無經世志。  
強將詩句，枉清朝。

高鳳漂麥圖

疾雷破柱，雨翻盆甃墮。  
何煩顧惜頻，恍為把書都不  
省。先生應是太癡人。

跋蘇武持節圖

使華往返見交兵老我何嘗繫重輕已分橫身膏草  
野茂陵松柏夢秋声  
君臣義合以忠持十九年間節可知邂逅論詩幾悔  
坑區區才得典諸夷  
兩行衰淚血霑襟一節醜恩北海深衛律有知慚即  
死更來游說此何心

慶趙汲古八秩之壽劾樂天體

人生八十今極壽况復兒孫滿眼前汲古園中趙夫  
子燕京城裏地行仙  
摩挲金狄門前客精健老目英會裏人坐對天津橋畔  
月池塘春草幾回新

崇慶初年索組綬至元八載享康寧人間八秩風流  
事無似君家種德馨

至元辛未歲八月十二日拉馬都事才卿  
遊韓氏南莊歸效樂天體得詩十絕皆書  
目前所見覺信手拈來也

開門不問主人無幽鳥飛來應竹呼僮僕也知賓客  
敬輿奴白飯馬青菊

吟鞭踏破綠苔堦自掛幽軒數菊栽半日杖藜橫膝  
坐絕勝前日醉歌來

浮雲冠蓋六街塵老盡朱顏白髮新贏得身心兩閒  
在水邊林下果何人

滿庭竹影鎖秋煙倒盡池蓮細菊斑牆外綠畦澆已

影枯掉閒

淡志撥山鳥山花笑我癡萬事看來皆偶

間林遣世人知

臺涼吹晚留連樹繞崗回自一川野菽未霜溪柳  
煙光輝是早秋天

園松菊餘秋色趙氏林亭滿夕霏人自晚年便靜  
每來吟賞便忘歸

雲煙樹事幽尋拍點平蕪起醉吟但使眼前無俗  
一杯時與野人斟

墨淋漓字半斜枉將霜壁亂雲遮一杯先洗黃泥  
伴我閑情遠世譁

蛙鳴水底強為聲酒盡沙頭卧玉瓶我自近來無不

是白雲舒卷暮山青

裴晉公綠野探梅圖息軒筆

淮西平一兩河清綠野梅花照眼明  
霜鬢未容閒裏老南枝消息要和羹  
當年韓白兩辭人吟賞天教在相門  
邂逅有詩窮勝事竄伶踈影月黃昏

東臯八詠為趙參謀題

匏瓜亭

君家匏瓜盡罇罍金王雖良適用齊為報主人多釀  
酒葫蘆從此大家題

李齋

人生知足一瓢多未老得閒非幸何堪笑矯情揚子

幼鳴鳴空縱醉時歌

東臯村

陽春門外望東臯三載相邀醉濁醪早晚洄溪溪上路  
拋花紅雨滿漁舸

耘軒

草盛苗稀苦見侵荷鋤歸晚月生林湏知種豆南山  
意唯有淵明識此心

遐觀臺

自說無堪不出村一杯藜藿樂間身就中不負登臨  
興滿眼青山是故人

清斯池

塵冠挂後無纓濯漁父從歌濁與清待與田家占水

早年年池上  
町蛙聲

流憇園

養素丘園趣已成  
斜陽林影着春耕  
手中三尺枯藤  
杖不羨人間六印榮

歸雲臺

從龍致雨固油然  
巖壑歸飛意本閒  
况是東臯已霑足  
不妨來伴宿簷間

夢中文賦開元御馬圖

毛龍天降馭龍韜  
歷塊過都乃爾曹  
安得錦韉三萬騎  
冷浮秋水下江臯

予寓舍前有所謂水官珠者  
客曰此即意  
茲也因呼兒採實作詩以識之



堂前意茲因人悟不處嫌疑信至言豈獨菲妻成具  
錦令人還憶伏波寬

讀開元雜事

水殿涼多暑氣微薰嵐華萼正相輝爭教明月梨花  
院玉笛嗚長到枕幃

興慶宮池景氣深薰然四海友于心讓皇篤愛情尤  
切力為君王辯八音

海棠紅綴棣華零樂裏西涼已變嗚摠把大衾長枕  
夢老天移魄入華清

歸志來圖

長沙勲業武侯忠劉宋規摹操懿雄虐焰儘烘寰宇  
裂五株楊柳自春風

彭澤遺黎不幸何斜川魚鳥共婆娑  
先生踐迹高千古不似終南捷徑多  
解綬歸來百日強東籬松菊未全荒  
細觀歷贊高賢傳一出頭來恨已長

煮茶

枯腸拍塞貯春雲洗盡囂煩六府昏  
山木策勲存夜氣大河流潤下崑崙

宵中宿酒闕殘兵一椀澆來陣敵平  
濛頂得仙疑安語月波千丈與詩清

蕭蕭風雪薄虛窓細貯槍旗煮夜釭  
若論廓清真武事一天幽思為詩降

四皓圖

羽翼橫飛四皓鴻  
楚歌悲絕趙王宮  
高皇英睿商顏節  
俱墮留侯計畫中  
萬古規摹一漢皇  
保全母后捨傷王  
商山邂逅招園綺  
出自留侯畏呂強

題揚息軒盤谷圖

石峪盤盤百畝高  
野塗秋色淡林皋  
雄文一出潮陽筆  
頓覺見山人索價高

閔山秋霽圖

望京樓上晚凭欄  
長記居庸八月還  
一段紫蜚吟不盡  
枉分秋色與南山  
生平懷霽是初心  
捲盡江山萬里陰  
十載夕佳亭上客  
卷中還對玉千岑

寧戚叩角圖

舜授堯傳老不逢商歌愁絕國門東小哉恨煞夷吾  
器竟列齊桓五霸中

五王避暑圖

翠幄留香郁棣華紅雲縈暖鵲鳩沙豆萁不免陳思  
嘆朱李寒泉是浪誇

蓮鳥窺魚圖

紫角距初非搏擊流翠香深處樂清幽游魚何限相吞  
噬祗得臨風一瞪休

門帖子

廩食京華兩見春全家飽煖荷深恩自慚補報應無  
地夢到青蒲白獸尊

題袁安卧雪圖

曲突無煙雪擁關引書高卧自怡顏  
湏知四世三公業不在人情冷煖間

突不煙黔雪擁扉一編犧易瘳朝飢火城莫羨沙堤  
相論士當觀未遇時

窮巷無人與叩關長安風雪一家寒  
挺然不為飢驅去肯逐時人作熱官

題顯宗承華殿墨戲

大青小青兩龍種承華墨戲真天人  
春思欲見昇平事立仗歸來不動塵

題東海徐白魚

點額雷燒不到渠相忘何必在江湖  
細吹藻荇克饑

了兩頷腥涎儘自濡

酌祭宋先生子岳六首

山立揚休七十春  
閒中今古醉中真  
傷心麗澤堂前  
月空照先生漉酒巾  
一代波瀾獨老成  
百年人物見耆英  
茂陵身後多遺藁  
一賦梅花到廣平

我識空澄海印心  
生平遊戲在禪林  
寶珠儘照青藜杖  
雅韻先空綠綺琴

玉堂仙去渺翩翩  
冷落梅花樹下禪  
疇昔過庭言在耳  
炷香傾酒大蘇前

水映林亭竹映山  
四時風景樂天閒  
一從零落丘山夢  
頓覺風光向客慳

酒盞詩筒白玉珂  
春風到處是行窩  
百年愛仰都人士  
哀比羊曇淚更多

跋龍陽扮隱圖

學窮象數別穿深  
又向龍陽得洗心  
前日小山叢桂  
客不煩春草賦歸吟

承華殿墨戲圖

天廐雲屯八尺龍  
總輸神駿付青宮  
細看絕電流雲  
筆天寶諸王恐未工  
主人愛馬憐神駿  
一骨千金十襲藏  
却恐雷霆還下  
取九重天上看龍驤

感寓

逢人驚問但慚然  
自信文淵老益堅  
來坐癡牀一千

日恰如無事草鞋禪

至元七年十月廿二日過順州與梁御史  
話金節侯剛忠王公子明死節事馬上為  
賦此詩以吊州舊治唐歸順州見大曆五  
年試太子洗馬鄭宣力所撰開元寺碑  
雉堞蜿蜒隱塊城剛忠於此歿天兵千年英氣如生  
在草木風前動戰聲

題趙仲器銅芝蟾瓶滴

坡陀金背兩眉蘇不屬官池與研居老筆策勲餘潤  
在一生何啻五車書

足跡蹒跚几研間太陰何苦汝為餐寸腸不磔盧仝  
鐵更吐陰寒上筆端



題張慶卿雙清圖

月影冰魂奪化工  
將須真是不煩公  
漫山正有閒桃李  
爛熳春風幾日紅  
花光品格黃華筆  
一段風流付後人  
誰為九衢塵底  
底兩枝搖蕩浙江春  
淡粧踈影兩依依  
點綴橫斜畫  
掩宜恰似孤山籬  
落畔小溪如練月如眉

王右丞輞川圖

騷詠禪談意未央  
歌湖壘月墮微茫  
園林鍾鼓清時  
樂好箇裴公綠野堂  
狀物何如及物功  
開元真宰說姚崇  
未妨僦屋招提  
裏斗米三錢四海同

凝碧池邊野鹿過空垂雙泣賦悲歌論忠不到平原  
列馳譽丹青未足多  
文彩風流映一時丹青三珠有餘師戲將萬斛歌湖  
水寫盡南山五字詩

迂張氏新居四首

我自三遷到巽隅市朝雖近似郊居東鄰有富具西鄰  
許不羨門多長者車

院靜窓虛淑景間戎葵疑笑海榴丹莫令兒輩輕傷  
折為與渠儂理一般

聽雪思堂與筆耕主人寓意強為名錙銖得及斯民  
了日出何妨事又生

羞將勲業鏡中看不為無魚動劔彈兩鬢愁隨霜簡

白寸心虛傍日華丹

題秋江月夜摘阮圖

玄璧朱絃激烈聞縱橫  
詞舌得儀秦忘言何似陶元亮  
直作羲皇向上人

易水悲風動急彈  
小絃鏗爾摘銅丸  
多應一片松梢月  
併入茅亭作夜寒

闕下元日口號五首

荀班春仗簇初齊  
贄馬行牽望拜時  
臘雪未消雙鳳瓦  
春風先到萬年枝

平明瑞雪滿蓬萊  
島樹瓊花次第開  
人在建章馳道外  
四邊鞍馬唱歌來

建章宮樹玉嶙峋  
雲近蓬萊氣自春  
帳殿忽開齊舞

踏紫衣獨見海東人

春前移仗島東邊大禮稱觴最重年何幸小臣陪虎

拜一杯春露共瞻天

千官錫宴瞻天喜萬里休兵立仗閒擬劾堯封三獻

祝太平

天子壽南山

魏豹故城

兵涉西河豹出迎  
亡姬還作漢儀程  
事機倚伏真相  
戲一笑長驅過故城

題解梁解壁

立壠依稀井幹殘  
人家煙火甫兵還  
就中不負官曹  
眼簿領當前坐看山

再過絳陽

二年三度過金臺  
盛暑祁寒不憚懷  
卧聽水聲何所憶  
一軒秋兩竹間來

夜宿李氏林館

困眠欹枕未容休  
睡起關心事  
竄幽鷓鴣一  
声恣色  
曙月明滿地  
綠陰稠

禹廟

大地河山繡錯明  
野盡孤廟枕荒城  
杜鵑饒舌知何事  
血洒東風怨未平

路村道中

監澤條山動寵光  
天書來坼紫泥香  
老癯扶杖欣相告  
五十年來未省嘗

解州廳壁題示

至元癸酉夏五月二十三日奉宣

明詔至於解梁因得王黃州壁間所題辭  
池詩序云鹽池之大自唐以來凡臨蒞者  
無一辭以紀勝槩觀覽之際憤然成章或  
繼之者寔自予始僕竊有所感焉因勉成  
三詩以附驥尾之末庶幾因公而使天下  
知有憚云借來者府兵曹解楨子公孺侍  
行承直郎平陽總判汲郡王憚題

物色分留付後人暗將風雅欲誰親  
琨珠在側知形穢尚友何妨繼後塵

日融池面爛生紅更着南山障碧空  
一夜高臺汗如

洗州人說是廣南風  
解梁城下解鹽池萬寶騰光奪日輝我欲大觀窮化  
窟乳泉一賦了天機

題平正縣鋪樓壁

盤盤峻嶺上青山兩度南來點鋪翻义手老兵前致  
語此回霜鬢又加繁

秋澗先生大全文集卷第二十五

開化圖書館

三

三

開化圖書館  
Kaikwa Library



秋澗先生大全文集卷第二十六

七言絕句

華岳廟留題

朝來松檜重煙霏  
仰面蓮峯翠撲衣  
自笑愛山心不足  
日斜猶未駐征騑  
祠前喬木老輪囷  
閱盡長安道上人  
千古倚空仙掌在  
好爲回首障兵塵

蓮峯卓拔見雄尊  
千劫孤撐碧玉盆  
總被少陵收拾却  
諸山羅列似兒孫  
乘崖一出著高勳  
回首猶慙華頂雲  
應笑豹林神處士  
擬將虛譽售時君

東登岱頂雪彌空  
上徹中封侶不逢  
應喜此行何豁

敬青天白日對三山

渡渭有感

當年尚父欲誰親  
八十西來釣渭濱  
馬上行人應未  
老莫教虛負百年身  
秦亡漢起兩悠悠  
總把興亡入海流  
汀樹岸花三百  
曲煙波都屬釣魚舟

安邑道中

六合雲蒸一氣埋  
際空秋稼禾女枯  
荻馬頭赤日疑無  
色望際青林雨氣來

洪洞道中望霍岳諸峯

老澗灣環兩翼分  
一川草木氣如薰  
土人更說山靈  
異欲雨先占霧頂雲

留題霍岳

喜遂平時景霍心適逢嚴祀一登臨感通固愧潮陽  
筆霧雨重開萬壑陰  
山腰明霽靜煙霏岳頂雲濛淡欲飛岩壑侶供詩筆  
徒法身都掛六銖衣

題豫讓橋

死堅鐵石表孤忠一水曾蟠萬丈虹太史注書隨俠  
例豈知風義本無同

過益昌橋

盤盤危磴轉山腰下瞰長河漲怒濤霍邑南邊趙城  
北滿頭風雨過昌橋

霍州

四雍中坳一豢牢快心唯有霍山高一條水從中  
過日夜隔城聞怒號

跋范蠡歸湖圖

霸越高勳土苴如五湖歸隱號陶朱扁舟共載西施  
去却恐時人是厚誣

題趙城縣環翠亭

秀色四圍供坐嘯山城然歲早休衙陂塘清淺知秧  
稻畝嶺橫縱看藝麻

簡城南北幾經還赤日紅塵赭背顏歛得解鞍心適  
喜暫容高卧對東山

趙城道中早發

積雨晴來露氣餘風枝成滴草垂珠麻衣半濕溪邊

路長記郊原五月君

跋米元章蘆雁圖

西風萬里下  
灑陽水宿雲飛  
固自雙侶為  
叫群心事  
苦不教相映  
睡秋江  
煙渚潮空退  
暮沙依稀寒  
影落蕪葭  
何人解化雙飛  
翼拍拍隨君  
問使華

甲戌歲門帖子

全家恩飽荷  
恩榮闔郡清  
寧歲屢登蟻  
蝨小臣何所  
報一公之外  
百無能

不求富有金  
成穴不羨官  
榮日九遷但  
願時和身健  
在大家無事  
過今年

庖舍門帖子

王家供具乳蒸豚石氏庖厨蠟代薪二者侈荒何足  
論一簞顏巷世歸仁

山市晴嵐

墟落人家半夕暉太行天上倚煙霏喚回二十年前  
夢共伯城西載酒歸

古栢寒鴉

亂鴉蒼栢晚相依流水孤村句未奇恰侶首陽祠下  
看夕光翻影上枯枝

松蔭寒泉

坐蔭髯龍夢已醒更堪幽谷亂泉聲遙知綠綺相逢  
夜幽思中含太古情

雲竇飛湍

千丈懸淙落碧霄百岩回望冷瀟瀟若爲借得天瓢  
手傾向人間救旱苗

蒲中十詠爲巖卿師君賦并序

中條山水雄秀照映河華予兩年以事抵蒲略  
獲遊賞然雲煙勝旣旦夕不去其懷嘗思以數  
語道其髣髴心在而未暇也至元十年秋九月  
蒲人師巖卿拉王國器李仲和張師諸人携酒  
過門盃數行袖出錦囊巨軸曰此河中十詠也  
因徵詩於不肖逮明年甲戌正月辛巳予以微  
恙閉閣少休隱几瞑坐神與境會既覺晴日滿  
窻幽思發越眷焉十題卒然而就顧不足發山  
水之清音聊以移方寸而外形骸也且爲四老

人一盧胡云

蒲津晚渡

落日西風送棹謳行人無數立沙頭君看一葉顛危甚若不忙時且少休

舜殿薰風

巖廊瀟灑壓城闈解慍歌殘又幾秦一道殿簷涼似水至今猶有夢華人

虞坂曉發

雞聲茅店月微茫山遠行人促曉裝良驥虺隤身自健不須拭目認絲揚

首陽晴雪

前冬兩拜首陽祠野雪搖光晚霽時蒼栢蒲山人欲



去亂鴉翻影上枯枝

鸛雀波聲

洶洶河流入斷山  
馮夷無力障狂瀾  
乘風破浪他年事  
且挽清雄上筆端

東林夜雨

瀟瀟風雨暗秋山  
聲滿疎林萬珮環  
拂曉開門看晴霽  
白雲依舊伴僧閑

林亭夜月

大內扶君不見人  
野煙碧樹總傷神  
應怜一片林亭月  
曾照司空泪滿巾

王官飛湍

石竇懸流雪練飛  
夜深和月映松扉  
恨予不遇貽溪

老一笑山間說化機

西巖疊嶽

東山如髻鬢重重人倚栖巖第一峯似是晚煙開畫  
幃濃揮淡抹闢手容

媯納夕陽

溪痕春漲碧迢迢一帶斜陽映野橋風土亦涵鰲降  
意野花如靨點裙腰

贈寫真賈生

氣兒昂藏野鶴姿賈生模寫有餘師情知不入麒麟  
畫剛天朝飾羽儀

寄李裕卿

山中風日淡無輝山下騰光欲爍衣辛苦南州李從

事三年其柰肉山肥  
交游過眼日紛紛故舊如君有幾人  
岸幘一搏蕭寺月  
此回談笑更情真

過橫望嶺

終日山行不厭山  
出山聊喜慰衰顏  
朝來橫望開頭路  
滿意風烟看洛川

澤潞卽事雜詩一十首

醞恩三接無旬浹  
春日春衣未足多  
沙上歸來聞好語  
誓殫忠力更無他  
裴翁祠晚夕陽催  
野色橫川組練迴  
我數固多多已辦  
不愁歸路碧崔嵬

自古徒兵澤潞雄  
選齊尤見四州公  
堂堂氣與聲聲

壯閃閃旗翻日脚紅

獵獵清風偃旆声南風不競此先徵朝来小試青油  
底一鼓仍驚氣倍增

闐闐風外鼓聲乾小隊紅牙入細看自古中原雄莫  
敵麟符准到漢家壇

萬命安危一將懸成功端在得人先長江儘飲天山  
馬節制應湏閩外顯

角聲催日上牙城白羽風清坐閱兵盾鼻恐煩磨檄  
墨莫教華髮等閑生

一檄風馳萬有降天兵開國古無双寄聲壁月瓊枝  
客鐵鎖休誇一葦江

結束征袍總白丁淮陰一將便橫行蕭條此意千年

後正賴桓文節制明

嗚嗚殘角過三吹  
整整魚麗待一揮  
曉涼更覺軍容  
肅露濕朱旗月滿衣

太嶺道中泉眼并雜詩

路長坡峻一層層  
六月行人困鬱蒸  
多謝山靈解煩  
喝一泓澄徹冷於冰

來路蒼蒼不可尋  
山風吹馬下遙岑  
望中斜日行雲  
掩遠嶺橫分一半陰  
長松磊落不凡材  
風拂煙霏盡障開  
端似高人在山品  
壑苦嫌塵土不歸來

千古雄藩入控連  
蕭蕭旌旆莫愁邊  
最憐天壤清涼

界欲買西山二頃田

潞州為太行  
清涼境界

太行南走百山門  
崗勢回環淺作盆  
瀟灑綠陰臺館  
靜平時尤見使君尊

過遊僊李節使墳

大定明昌五十年  
當時人物玉堂仙  
朝來書案山前路  
瞥見堂封一慨然

遊青蓮寺

上方層閣倚晴煙  
回合諸峯聳碧蓮  
午枕不容詩夢  
就天風吹雨下危巔

山間一雨衆壑澹  
轉石砰崖聲若雷  
殆似山靈詫清  
駛夜深還到枕邊來

夜過關嶺山

晝鎖壺關戰氣昏  
自環長塹作孤豚  
紛紛彼校何爲

者媿煞新聲欲死言

夏縣

一縣陰陰夏木清大賢司馬小賢城河山依舊英靈  
在重爲生賢作國鎮

虞鄉道中

長纓風笠葛衣踈裝就唐人早發圖只有才情渾不  
侶馬頭吟久却成無

荷頓道中

玉繩西轉啓明東熱擁長途似火攻辛苦平陽王判  
府三年三伏走蒲中

跋蘭昌宮圖

宮斜春草暗驪陽花底春雲覆苑堦忽覩翠輿金銀勺

事世間疑有返魂香

乙亥歲門帖子

三年判府初無補一寸孤袁老謾丹竅喜元正即春  
節併將和氣到門闌

李潛宛馬圖

李生鞍馬見金初彷彿像殊方職貢圖今去玉門途萬  
里總隨鞭策入長驅

丙相問牛圖

牛來近地暑光微深愧調元相業非後世幾人能辨  
此濤車甘受野人譏用唐宰相揚再思開坊門讓水滄事

謝太傅東山圖 金黎陽李公泰筆

鳳沼春開湛綠波未容綠竹醉崑崙阿儘能經濟蒼生



了七寶裝嚴未是過  
秦兵一掃兩淮清桓氏微來晉鼎平况復中年正多  
感未妨雲壑寄高情

四皓圖

事定歸來權日隱深皎然松雪映雲林寥寥高誼千年  
後侶覺元之取賞音

先生節義重丘山冠珮遙瞻漢嗣安莫以隱淪忘世  
論一身歸潔果何難

苦諫臣通已謾為一書光動紫巖巖芝後人只說安劉  
重不道留侯策更奇

顯宗墨竹

離離香粉淡爭妍莫作荒寒景趣看絕侶承華宮檻

畔春風和露濕闌干

一枝蒼雪映遼江滿意春煙鎖建章監國撫軍仁孝  
在不應游藝較蕭郎

雲溪先生畫像

大定明昌五十年聲明文物出中天畫圖一識雲溪  
老者自舊風流隋眼前

訪京師故里

四紀光陰黍一炊重尋陳迹已都迷百年風樹悲涼  
底更遣朱衣問碧雞

秋夕早起

鏡裏顏蒼髮鬢雪如憂心中夜轉民區開門看雨驚馬連  
夕堂下秋蘭恐半蕪

聞方響日時過一第宅

丁東鏗憂碎瓊琳掩盡朱絃窈眇音花外粉墻遮不  
斷珮環清徹洞房深

壬申門帖子

任運喜尋蕭遠論廣騷慵擬楚人辭里兒莫訝三冬  
蟄一寸丹心用有時

題王仲通二友亭

治葉倡條占好春轉頭紅雨委芳塵歲寒伴我初心  
在二友歸來是故人

得失之間勢利交膺肩何翅夏畦勞淡交自得志言  
友醉眼螟蛉視二豪

此君高節對髯龍雪壓霜封傲睨同不羨杏梢春意

開等閑開謝是東風

酒蠅閑集霜餘灑火鼠潛趨媚竈炎誰似歲寒亭上  
客儘將冰雪澡吾廉

老眼相看十五年青青節操貫時賢自怜蒲柳非眞  
質兩鬢真秋風久颯然

題卜隱王君手軸

洛陽織畚王丞相異事驚逢少室雲公羽我試問渠曾見

否

天子夢非熊

百年人事有乖通萬彙流形本不同付與君平都一

笑滿簾紅日落花風

大易幾微得最神闖懷陰笄失岵崖垠坡仙有句堪書  
贈醉裏微言更近眞

有命何嘗論智愚班超傭筆衛青奴一從遇着  
客閑氣曾中一點無  
學術源同有淺深如君龜策入幽尋自怜一片靈臺  
月才並明時被物侵

題松陰訪古圖

舟橫遠水翻蘭棹人倚長林諷楚詞却憶來河南畔  
路松崗晴雪晚遊時謝司馬相公墳故云

春雲出谷圖

岫雲初出豈無心擬向人間作傳霖萬壑忽為風散  
去卷舒應見本空陰

看雲自上太山山巔淡抹空濛總自然但慰幽人怡說  
意故縈林壑弄春妍

牧牛圖

車邊起飯歌何烈角畔橫書世謾驚  
何侶短僮無所識夕陽村落見升平

溪橋風雨圖

前溪才渡又危橋風雨行人已倦勞  
更着客心孤迥處遠煙明滅寺樓高

跋後唐莊宗按樂圖

王業艱難百戰開洛宮春色醉瑤臺  
那知兩部仙韶樂總是君王火葬材  
紅雲香暖翠屏閑橫玉聲清內殿寒  
誰道畫師無遠意丹青應見守成難

群鶻古栢園

振翻蒼巖控老拳  
霜空初不隔秋煙  
料應攫裂脩蛇  
後相與朋來一  
若然

書畫室中語

春雲容與春陰輕  
杏梢點紅楊柳青  
人在畫樓斜照  
外秋干臨水影  
亭亭

春江獨釣圖

前金平陽人孫子  
安筆十三料工

渺渺春江碧若空  
一絲斜裊釣壇風  
富春莫擬幽棲  
穩已在君王物色中

峴山秋晚圖

春風漢水大堤平  
雲靜譙樓峴首青  
千古愴懷羊太  
傳幾時親酌玉雙瓶

伐石東崗得小山一株雙峯並秀若夏雲突  
元者因命曰湧雲魚謂名之甚稱作詩  
之  
坤靈疑秀幾千春一日佳名號湧雲淡僻性便雖老  
在自挑沙礫看奇文

孟光捧按圖

為申主簿受之賦

噫歌裏動晨炊一敬還驚按等眉想得主人茅宇  
下肅雍形出二南詩

具門煙暖褐衣輕春賃中間見本情豪蕩阿戎那解  
此夢回青瑣得卿卿

稠禪解虎圖

宋均政異於菟去魯宰風行野雉馴誰為碧崑方外  
客等閑藜藿杖也通神



楞巖堆案滿疑塵山下閑來解虎紛千古阿師公安  
在寶香燠徹百品雲

乙亥重九日客

臺鄉板橋里

滿川煙雨對南山冷泥重品細菊班不着白衣携酒  
至卧瞻衡宇已開顏

無人對菊情逾遠有酒盈樽意倦斟十日板橋田舍  
底似教平子遂初心

依依墟落俯山郊雨濕炊煙覆屋茆一夜秋風翻木  
葉露巢巢高下見林梢

瀟瀟山雨暮寒生漠漠青林宿靄橫把菊珮萸俱寂  
寞卧聽簷溜走湍聲

一官殆為公田秣塊坐渾疑野老禪我喜靜中觀物

化鹿臺風景似斜川

疊嶂相連老雨昏  
秋香狼籍擁籬根  
野情本與漁樵  
熟共席來傾老瓦  
盆

百年悲感登臺社  
四座驚看落帽嘉  
野鳥送歌人勸  
酒閉門風雨醉山家

山中佳節欲何酬  
醉裏閑書醒不休  
共着一樽相慰  
藉李卿申子兩江州

讀易龕即事

榻來採石事間閑  
却得幽潛兩月閑  
准擬後人重到  
此指名王子讀書山

十三年四月十九日待中灤渡

泛泛輕航破浪花  
春風自信動檣牙  
不煩更擊中流

楫六合澄清到一家

宿開封後署

拂拭殘碑覽德輝  
千年包范見留題  
鷲鳥繞匣中庭  
栢猶畏霜威不敢棲

許昌道中望三封山

大河失險已無金  
不待釣臺一雪深  
十萬選鋒同日  
死西風吹恨滿遙岑

跋松風醉歸圖  
南陽脩端卿藏

不向東華踏軟紅  
夢歸丘壑洒松風  
夜深健到山間  
石吹萬從渠總不同

危行危言到兩難  
炎涼時事旋相看  
放教兩耳秋風  
裏待與髯龍約歲寒

題煙江疊障圖

楚水吳山萬里秋  
風帆吹飽北來舟  
應憐滿眼新亭客  
空對江山雙淚流  
江上晴嵐萬疊山  
幾緣亡國帶愁顏  
而今一統無南北  
滿意風烟送往還

昆陽道中同陳節齋考試河南

官事無涯有限身  
拚教赤日走紅塵  
十年薄宦崎嶇裏  
笑煞羲皇向上人

朝趨長路暮郵亭  
遠自南陽到洛京  
馬上唱酬三百里  
宦遊無侶此回情

路氏子榮養堂

遺羹親拜封人廟  
戲彩重登路子堂  
二事半生俱不

遠看雲淒幽莢莪章

退思亭詩卷

退食歸來靜掩扉  
比量心事到精微  
今年京洛重相  
值一話能知五十非

滿壺清醕薦柔毛  
一尺甘膏遍洛郊  
總道使君誠意  
格至今歌頌滿衡茅

拜狄梁公祠下

取日虞淵力儘多  
洗光重照舊山河  
雄忠敗入周人  
列似覺文公立法苛

京西道中

漢家綿蕝要齋郎  
見說趨程舉子忙  
一道綠槐梁苑  
樹輕花也學十分黃

怨笛落江梅

鏡裏青鸞怨獨棲  
月邊踈影伴橫吹  
誰伶一曲春閨  
思箇裏  
幽香是素知

栢鄉光武廟

上谷兵威突騎良  
風塵河朔入披攘  
蒼涼鄣邑祠前  
月曾照君王  
萬歲觴

臨制亡疑見理明  
治隆三代所由行  
竟從讖緯論邦  
計地下  
桓卿恨未平

宮武當年兩虎臣  
丹青千古照麒麟  
十年紫禁煙花  
底判府歸來  
恐笑人

麥飯蕪萋誓不忘  
肯教大樹日蒼涼  
竭忠竟得來吳  
輦何慮蜀蛙不  
井七

山行雜詩

川隔寒山日上遲  
掄林平抹霧煙齊  
晚涼負越征驂  
健換却西山四五題

亂山合沓四圍青  
行近星輶路漸平  
大約太行吾肺  
腹一重一掩總天成

入山不比出山寬  
回轉青林路詰盤  
曉色漸分煙店  
近泥寬圖上記曾看

太行元氣老洪濛  
草樹風前帶潤容  
山色只宜差遠  
看近移空翠上高山牽

西來游宦半忙閑  
六日迢遙道路間  
回轉羊腸三百  
里天教馬上飽看山

入雲蒼嶺望中賒  
石逕蜿蜒走白蛇  
見說碧峯爭秀

麗不愁車馬下狼車

過山陽縣題七賢祠

不到山陽二十年黃壚空瓊竹林煙盧胡笑煞嵇劉  
輩又向西山着祖鞭

七賢來為此君遊終歲相看散百憂却為歲寒貞節  
在十年憔悴伴人愁時竹禁嚴故云

山行雜詩

門前流水屋頭山馬上行人盡築間清化許梁三十  
里只除天許此中間

錦窠蓮炬竟虛聞五馬西來忝幕賓似為愛山緣分  
重着詩模寫太行真

過濯漈城



炎漢淪精到此灰，獻皇空使後人哀。  
篡成不獨曹罪須，信桓靈是禍胎。  
路入蕪城漲麥雲，獻靈千古廟猶存。  
一杯誰着濁漳水，少爲征西酌餞魂。

題馬坊

久遊都邑無明畧，出判名藩媿不才。  
忽得解鞍俱忘却，一聲幽鳥竹邊來。

題山陽七賢祠

黃塵換盡豸冠霜，薄宦驅人抹火忙。  
一勺七賢祠下水，療飢猶勝食官倉。

山行雜詩

山下良田苦不多，耕來山頂作旋螺。  
薰嵐五月燕南

道千里黃雲際兩河

唐叔虞廟

巍然遺廟枕城崖霸業桓桓自此開刻地不銷昭伯  
血瓜分何為出公哀

潞公亭

唐都東望故城荒澮水翔山半多陽前日潞公遺燹  
在至今亭構比甘棠

陽城道中

兩極坡長馬力窮澤南百里水泉空朝來舟心東邊  
路始見河山大地雄

南來但為亂山囚後擁前遮苦見留多謝鍾靈不嫌  
俗坦然煙谷縱鳴騶

守歲夜宿太陵田舍

今年除夕苦羈栖着我西山更向西一窖太陵田舍  
火雪龕龍孤坐聽猿啼  
田家無物具茶飭爐火龕燈連曙明野老向人無別  
話新年時熟長官清

過郊底村聽田父話陝州事

張姓名一曾  
授策州軍判

離離殘雪點山郊老樹冰崖映斷橋縱使林泉有佳  
趣住山活業本蕭條

野叟龍鐘百戰酣目光如炬尚耿耿阿欽一死無由  
得對坐從渠說趙三

時欽叔在阿不罕  
元帥府作經歷官

新道成試車東下寄德昭書史

千仞谿山險已平朝來喜逐炭車行兩鄉父老來爭

賀萬事元翰有志成

野步

曳杖山行記可遊崎嶇初不厭經丘靜憐苔色圍孤  
石閑愛長松蔭碧流

大石橫崖亂作層偶來孤坐適幽情春生先自溪流  
見暖散冰泉繞舍鳴

蒼澗行歌不見人草心泉脉動朝曛溪邊倚杖看來  
夕沙水空明散錦紋

秋澗先生大全文集卷第二十六

開化圖書館

Kaichua library

開化圖書館

Kaichua library



開化圖書館

Kaichua library

開化圖書館

Wakuhwa library



Blue Cyan Green Yellow Red Magenta White 3/Color

TIFFEN Color Control Patches © The Tiffen Company, 2007

Centimetres

1 2 3 4 5 6 7 8 9 10 11 12 13 14 15 16 17  
1 2 3 4 5 6 7



秋澗先生大全文集  
七

開元圖書館  
Kaifuwa Library

開化圖書

Kaichua library



Inches 1 2 3 4 5 6 7

Centimetres 1 2 3 4 5 6 7 8 9 10 11 12 13 14 15 16 17

**TIFFEN** Color Control Patches

© The Tiffen Company, 2007

Blue

Cyan

Green

Yellow

Red

Magenta

White

3/Color